

e dil capitano di l'artellaria che sono pezi 10 *vide licet* sacri 4, canoni di 40 numero 6, et caretoni 100 tra polvere et munition per l'artellarie, e cavalli zerca 800 al servitio di caretoni et artellarie, et fanti 450 che hanno soldo, il resto fono cassati a Vilaco, che sono in tutto da boche 2000 si partirano diman, et in do zorni sarano a Coneian e passerano la Piave, sichè essendo passati tutti, disfarò questo ponte fato sopra il Talamento, e poi quel sora la Piave, et andarò a Treviso per li canevis.

Di Treviso dil podestà et capitano, di 7, hore 17, manda dile lettere, et avisa li lanzinech in consonantia *ut supra*, e avisa haverli provisti dil viver loro.

Di Sazil, di sier Giacomo Marzello podestà et capitano, di 6, ricevute a di 7: Avendo ricevuto nostre lettere, avisi li danni fatti de li per li fanti dil signor duca di Ferrara che passono, capo quel Zorzi da Saleto, ha inquerito da li homeni di le ville et trovò hanno voluto viver senza pagamento alcuno, el havendo pane che non li piaceva voleva si trovasse di altra sorte, *ita* che hanno consumato stera 10 pan, biava da cavallo stara 43 che a li nostri steri questa misura cresse 16 venetiani, polami para 20, un bò, uno vidello, uno castrado, do agnelli, senza il vin et feno che non hanno conto, et hanno tolto cara 2 di orzi ch'è sachi 24 a stara uno e mezo per sacco venetiano, et non *solum* feno manzar la biava alli loro cavalli, ma *etiam* ne portorono assà con loro; et mandai domino Fantin Zen capitano di queste ordinanze per veder di haver li danari, risposeno quelli capi e altri andaseno da li homeni di le ville che li dariano il pagamento, le qual ville sono Tribano et Visago dove steteno per do zorni et do note. Ho auto lettere de domino Gasparo Contarini patron a l'Arsenal, scrive doman passerà li lanzinech con fanti 450 et cavalli 800 con l'artellarie.

70¹) Fu posto, per sier Sebastian Fosearini el dotor e sier Gasparo Contarini el consier riformadori sopra il Studio di Padoa che a domino Gasparo Malmignato da Lendenara, qual nel Studio di Padoa ha leto l'istituta, li sia dà concorrente domino Alessandro da Sonzin padoan con salario fiorini 60 a l'anno a beneplacito di la Signoria nostra.

Item, a la lectura dil terzo di raxon civil domino Carlo Vernazi padoan, leze al presente, li sia dà augumento fiorini 20, sichè habbi a l'anno 60, 118, 4, 2.

(1) La carta 60^a è bianca.

Fu posto per li ditti, che maistro Tomaso da Venexia di l'ordine di predicatori, leze la theologia, sia posto al locho dil substituto con fiorini 60 a l'anno per 3 anni e sia satisfato dil passato a ditta summa *ut in parte*. Ave 117, 7, 2.

Fu posto per li ditti, che maistro Justinian di Ancona, leze in loyca, con salario di ducati 35, sia posto al primo locho con ducati 100 e conduto per 3 anni di fermo et uno di rispetto in libertà di la Signoria. Ave 117, 7, 2.

Scurtinio di provedadori a l'Arsenal con pena in luogo di sier Hironimo Querini è intra do provedador sora le biave.

Sier Nicolò Pasqualigo ch'è di Pregadi,	
qu, sier Vetur	62. 72
Sier Andrea Mudazo fo consier, qu.	
sier Nicolò	33.104
Sier Zuan Moro fo capitano a Padoa,	
qu. sier Damian	69. 64
† Sier Polo Trivixan fo podestà a Padoa,	
qu. sier Andrea	89. 47
Sier Bernardo Grimani qu. sier Hironimo	43.105

5 Savii sora la mercadantia con pena

Sier Hironimo Malipiero fo al luogo di procuratori, qu. sier Giacomo . . .	85. 48
† Sier Giacomo Michiel è di Pregadi, qu.	
sier Hironimo	102. 32
† Sier Zaccaria di Prioli fo provedador a le biave, qu. sier Alvise	104. 30
Sier Nicolò da Mosto è di Pregadi qu.	
sier Francesco	50. 86
Sier Ferigo Morexini è di la Zonta qu.	
sier Hironimo	84. 50
† Sier Giacomo Moro fo provedador al Sal, qu. sier Antonio	93. 42
† Sier Beneto Valier è di Pregadi qu.	
sier Antonio	102. 33
Sier Francesco Barbaro fo proveditor al Sal qu. sier Daniel, qu. sier Zaccaria cavalier procurator	84. 55
† Sier Antonio Bembo fo cao dil Consejo di X qu. sier Hironimo	99. 38
Sier Simon Lion è di Pregadi qu. sier Tomà	71. 61

A di 8. La matina e tutto il zorno e la note seguente fo pioza granda.